


**EKONOMI**

## Pavilion Indonesia tawar produk Indonesia di GM Klang



19/02/2023 09:41 AM

KUALA LUMPUR, 18 Feb (Bernama) – GMIE International Exhibition (M) Sdn Bhd (GMIE), pengusaha perniagaan borong di GM Klang terus melebarkan sayapnya melalui usahasama dengan Asosiasi Mainan Indonesia (AMI) melalui pembukaan sebuah pavilion yang mempamerkan produk-produk dari Indonesia.

Pengurus Kanan Komunikasi Jenama GM Klang Norsuhaida Othman berkata inisiatif ini sangat membantu untuk mengetengahkan GM Klang sebagai hab perdagangan serantau apabila kepelbagaian produk dari merata negara dapat diperoleh oleh para pelanggan hanya di bawah satu bumbung.

“Sejak GMIE memulakan operasi mereka lebih kurang empat tahun lepas, produk-produk terutamanya permainan dan barangan bayi telah banyak dibawa masuk ke GM Klang. Sehingga kini, terdapat lebih 50,000 produk-produk pameran di ruang perniagaan terletak di tingkat 5, blok B.



“Konsep mereka adalah menjadi perantara antara pembeli dengan kilang-kilang besar bagi membekalkan produk-produk dengan efisien dan selamat. Ramai peniaga kecil telah berjaya mendapatkan stok perniagaan mereka melalui GMIE dengan penjimatan yang lebih dari segi masa, wang dan tenaga,” katanya dalam kenyataan hari ini.



Norsuhaida berkata, melihat maklum balas yang baik daripada para pelanggan, GMIE kini giat menambah pameran produk-produk dengan mewujudkan sebuah lagi pavilion yang dikhususkan untuk produk-produk dari Indonesia melalui usahasama bersama AMI.

Acara pembukaan pavilion Indonesia yang berlangsung di GMIE semalam telah dirasmikan Atase Perdagangan Kedutaan Besar Republik Indonesia di Kuala Lumpur Deden Muhammad Fajar Shiddiq.



Turut sama merasmikan pavilion berkenaan ialah Ketua AMI Sut Jiadi Lukas, Pengarah Urusan Pusat Borong GM Klang Datuk Lim Seng Kok, Presiden Persatuan Pemborong Malaysia Soh Kim Hai dan Pengarah GMIE Kevin Oh.

— BERNAMA

BERNAMA menyediakan informasi dan berita terkini yang sahih dan komprehensif yang disebarkan melalui Wires BERNAMA; [www.bernama.com](http://www.bernama.com); BERNAMA TV di saluran Astro 502, unifi TV 631 dan MYTV 121 IFLIX dan Radio BERNAMA di frekuensi FM93.9 (Lembah Klang), FM107.5 (Johor), FM107.9 (Kota Kinabalu) dan RM100.9 (Kuching).

Ikuti kami di media sosial :

Facebook : [@bernamaofficial](https://www.facebook.com/bernamaofficial), [@bernamatv](https://www.facebook.com/bernamatv), [@bernamaradio](https://www.facebook.com/bernamaradio)

Twitter : [@bernama.com](https://twitter.com/bernama.com), [@BernamaTV](https://twitter.com/BernamaTV), [@bernamaradio](https://twitter.com/bernamaradio)

Instagram : [@bernamaofficial](https://www.instagram.com/bernamaofficial), [@bernamatvofficial](https://www.instagram.com/bernamatvofficial), [@bernamaradioofficial](https://www.instagram.com/bernamaradioofficial)

TikTok : [@bernamaofficial](https://www.tiktok.com/@bernamaofficial)



## Kata Kunci

gm klang

gmie

indonesia

pavilion

produk